



Bartholomæus Hallerus ex nobili familia Hal-
 lerssteinorum natus, à iuuetute sua uirtutibus
 operam dedit, & in uirum maximum euasit. Pri-
 mò enim Cæsaris castra secutus, passim in bellicis
 expeditionibus talem se exhibuit, ut à Carolo 5. e-
 ques auratus designaretur. Postea quoq; politicis
 rebus incubuit, atq; ob singularem prudentiam &
 uitæ probitatem in magna authoritate fuit. Itaque
 Carolus Imperator, & Ferdinandus rex, nec non
 Maria regina, quæ Belgis præfuit, hunc uirum in-
 ter suos consiliarios receperunt, & res magnas ei
 expediendas commiserunt. Id cum Franckfordien-
 ses percepissent, ipsum suæ Reipublicę Prætorem

declararunt. Hæc quidem officia ipse summa animi moderatione suscepit, &
 honestè peregit. donec tandem Franckofurti anno 1551, die 4 Martij uita fun-
 geretur, ubi etiam in eade S. Bartholomęi, cum honesta sepulchri inscriptione,
 quiescit. id quod ipse anno Domini 1565 in mea per Germaniam pere-
 grinatione inspexi, atque quæ hic posita sunt, de eo notauit.

Anonim.